

Broj:02-05-121/16

Lukavac, 08.03.2016. godine

Na osnovu člana 64. stav (1). tačka b), člana 25., člana 32. stav (1), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj:02-05-121/16 od 07.03.2016. godine u otvorenom postupku za servisiranje i popravku putničkih motornih vozila u garantnom periodu -LOT 1 Općinski načelnik d o n o s i

## ODLUKU o izboru najpovoljnijeg ponuđača - LOT 1

### Član 1.

Prihvata se preporuka Komisije za provođenje postupka javne nabavke broj: 02-05-121/16 od 07.03.2016. godine i okvirni sporazum za servisiranje i popravku putničkih motornih vozila u garantnom periodu –LOT 1 dodjeljuje se ponuđaču „BRIJEST“ d.o.o. Gračanica, ponuda broj: 17-02/2016 od 16.02.2016. godine, za ponuđenu cijenu u vrijednosti od 1.587,36 KM bez PDV-a, kao najpovoljnijem ponuđaču.

### Član 2.

Izabrani ponuđač je u sastavu ponude uz uredno popunjenu Izjavu za član 45. ZJN dostavio i dokumentaciju iz člana 45. stav (2) tačka od a) do d) Zakona o javnim nabavkama BiH, uz Izjavu za član 47. ZJN dostavio originalnu potvrdu traženu tačkom 13.2.2.a) Tenderske dokumentacije, te se oslobađa obaveze naknadnog dostavljanja dokaza.

### Član 3.

Prijedlog okvirnog sporazuma o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

### Član 4.

Ova odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6 Zakona o javnim nabavkama.

### Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-120/16 od 25.01.2016. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 2.000,00 KM.

Obavještenje o nabavci broj: 719-1-2-2-3-3/16 objavljeno je na Portalu javnih nabavki dana 25.01.2016. godine i ispravka obavještenja o nabavci broj:719-1-2-2-8-4/16 objavljena dana 27.01.2016. godine.

Komisija za provođenje postupka nabavke imenovana Rješenjem broj: 02-05-198/16 od 05.02.2016.godine dostavila je ugovornom organu-općinskom načelniku Zapisnik o pregledu i ocjeni

ponuda broj:02-05-121/16 od 07.03.2016. godine, Preporuku o izboru najpovoljnijeg ponuđača broj:02-05-121/16 od 07.03.2016. godine i Izvještaj o radu broj:02-05-121/16 od 07.03.2016. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije ponude;
- da su blagovremeno primljene dvije ponude;
- da nije bilo neblagovremeno primljenih ponuda;
- da je ponuda ponuđača BRIJEST d.o.o Gračanica kvalifikovana i prihvatljiva, naime dostavljeni su svi traženi dokazi propisani tenderskom dokumentacijom, na propisan način;
- da se ponuda ponuđača „COSMOS COMMERCE“ d.o.o Tuzla odbacuje na osnovu člana 68. stav (4) tačka j) Zakona o javnim nabavkama („Službeni glasnik BiH“ broj:39/14) iz razloga jer je navedeni ponuđač u obrascu za cijenu ponude - Prilog 3.1 pod tačkom 8. Sijalice žmigavci i tačkom 10. Sijalice pozicije na strani 37. ponude korektorom izvršio ispravku prethodno upisanih cijena u koloni „Jedinična cijena u KM bez PDV-a“ i cijena u koloni „Ukupna cijena u KM bez PDV-a“. Ispravljeni podaci nisu vidljivi, nisu potvrđeni potpisom ponuđača i nije unešen datum izvršene ispravke, što je protivno članu 18. stav 1. tačka m) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15) i tački 14. stav 10. tenderske dokumentacije.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, poczakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 2.000,00 KM i da je kriterij za dodijelu ugovora najniža cijena.

Ponuđač „BRIJEST“ d.o.o Gračanica dostavio je prihvatljivu ponudu sa cijenom u iznosu od 1.587,36 KM bez PDV-a.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 32. stav (1), člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

#### **Dostaviti:**

1. COSMOS COMMERCE d.o.o Tuzla
2. BRIJEST d.o.o Gračanica
3. Evidenciji i
4. Arhivi.-



**OPĆINSKI NAČELNIK**  
Dževad Mujkić, dipl. prav